



MAS-CHALCH

Il cumün da Valsot tschercha a partir dals **01.06.2019** o **tenor cunvegna ün/a hom/duonna sco**

Manader(-ra) d'infrastructura / 100%

Incumbenzas

- survaglianza, controlla e mantegnimaint dals provedimaints d'aua
- survaglianza, controlla e mantegnimaint da las sarineras, lingias da chnalisaziun e d'aua meteorica
- survaglianza, controlla dals provedimaints electric cumünals
- otras lavuors d'administraziun e planisaziun

Profil

- cugnuschentschas sül sector da provedimaint d'aua, sarinera e provedimaint electric
- giarsunadi fini i'l sector electric obain eir sanitari
- prontezza d'as perfecziunar sül sector da provedimaint d'aua e da sarinera
- flexibilità a regard il temp da lavur
- prontezza da prestar servezzan da piket
- prontezza da surtour respunsabilità e d'ir intuorn cun critica
- möd da lavurar exact e conscienzius, independent e cun iniziativa
- cugnuschentschas da systems d'informatica (Word / Excel eui.)
- capabel da lavurar autonom sco eir da manar ed organisar la lavur
- permiss dad ir cul auto cat. B
- domicil a Valsot es giavüschè

Sporta

- piazza attractiva cun gronda independenza
- cundiziuns attractivas da salarisaziun e bunas prestaziuns socialas
- lö da lavur: Valsot
- fittanza d'ün'abitaziun da quatter stanzas

Per ulteriuras dumondas sta gugent a disposiziun il capo cumünal Victor Peer. Annunzchas culs documaints üsitats p.pl. trametter per mail v.peer@valsot.ch o per posta: Cumün da Valsot, sar Victor Peer, Poz 86, 7556 Ramosch, fin il plü tard ils **28 favrer 2019**.

Chalandamarz 2019

Il balin da Chalandamarz in chasa da scoula Ramosch cumainza a las 18:00 e d'ura fin a las 24:00.

Tuots sun amiaivelmaing invidats da tour part al balin cun ustaria.

Nus ans allegrain!

Gruppa da lavur dals genituors
dal s-chalin ot

Program pel cumün da Valsot

Venderdi, als 1. da marz

Program	Lö	Urari
Chalandamarz a Ramosch. Il cortegi cumainza a las 08:30 pro la chasa da scoula a Ramosch e d'ura fin ca. a las 10:00. Ils uffants van chantond da piazza a piazza, accompagnats da giaischlas, plumpas e d'ün char decorà magnific, il qual ils mats tiran davo.*	Ramosch	8:30-10:00
Chalandamarz a Seraplana. A las 10:25 rivan ils uffants a Seraplana e fan lur gir intuorn tuot la fracziun. Il cortegi d'ura fin ca. a las 11:00. Eir qua chantan ils uffants las cuntschaintas chanzuns e laschan resunar lur giaischlas e plumpas per s-chatschar l'inviern.*	Seraplana	10:25-11:00
Chalandamarz a Vnà. A partir da las 13:45 cortegi davent da la piazza cumünala. Il cortegi d'ura ca. ün'ura.*	Vnà	13:45-14:45
Chalandamarz a Strada. A partir da las 10:00 van ils uffants da Chasura fin a San Niclà. Quai d'ura ca. 2 uras.*	Strada	10:00-12:00
Chalandamarz a Tschlin. A Tschlin cumainzan ils uffants cul cortegi pür davomezdi ca. a las 13:00 pro la chasa da scoula e fan il gir tras tuot la fracziun.*	Tschlin	13:00-15:00
Chalandamarz a Martina. A las 14:00 cumainzan ils uffants cul cortegi a Martina. Quel d'ura ca. ün'ura.*	Martina	14:00-15:00
*A partir da las 18:00 fin a las 24:00 ha lö illa chasa da scoula a Ramosch il tradiziunal „Ballin da Chalandamarz“. La festa es publica e per spaisa e bavronda esa pisserà.	Ramosch	18:00-00:00

